



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Na osnovu čl. 15., 16., 19. i 20. Zakona o budžetima u Federaciji Bosne i Hercegovine („Službene novine FBiH“, br: 102/13, 9/14, 13/14, 8/15, 91/15, 102/15, 104/16, 5/18 i 11/19),
Ministar finansija donosi

**IZMJENE I DOPUNE BUDŽETSKIH INSTRUKCIJA BR. 2.:
IZRADA ZAHTEVA ZA DODJELU SREDSTAVA IZ BUDŽETA
KANTONA SARAJEVO ZA 2019. GODINU**

Sarajevo, novembar 2019. godine



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Uvod

Skupština Kantona Sarajevo je 30.01.2019. godine donijela Budžet Kantona Sarajevo za 2019. godinu, dok su 24.06.2019. godine donesene prve Izmjene i dopune Budžeta Kantona Sarajevo za 2019. godinu.

U skladu sa dostavljenim revidiranim projekcijama prihoda za 2019. godinu od strane Federalnog ministarstva finansija (broj: 05-15-5-3530-2/19 od 25.05.2019. godine) koje iskazuju značajan pad prihoda od poreza na dobit i djelimičan rast poreza na dohodak i indirektnih poreza Kantona Sarajevo u odnosu na prethodne, Ministarstvo finansija Kantona Sarajevo je informisalo Vladu Kantona Sarajevo o sljedećem:

Projekcijama od Federalnog ministarstva finansija za period 2019 – 2022 godina koje obuhvataju revidirane projekcije direktnih i indirektnih poreza Kantona Sarajevo za 2019. godinu predviđeno je ukupno smanjenje prihoda u odnosu na usvojeni aktuelni Budžet Kantona Sarajevo za 2019. godinu, kako slijedi:

	Planirani u Izmjenama i dopunama Budžeta KS 2019.	Nove projekcije za 2019. godinu za date prihode	Razlika
	1	2	3 (2-1)
Porez na dobit	129.657.649	110.209.002	-19.448.647
Porez na dohodak	150.798.810	154.289.127	3.490.317
Indirektni porezi Kantona Sarajevo	435.039.078	440.887.659	5.848.581
Ukupno:	715.495.537	705.385.788	-10.109.749

Prihodi koje ostvaruju organizacione jedinice UNSA su prihodi od školarina i drugih studentskih uplata koji su postali budžetski prihod u skladu sa Uredbom o izmjeni Uredbe o utvrđivanju vlastitih prihoda, načina i rokova raspodjele (broj: 02-05-34488-17/18 od 11.10.2018. godine), takođe trebaju biti revidirani jer isti neće biti ostvareni u planiranom iznosu.

Vlada Kantona Sarajevo je Zaključkom broj: 02-05-38954-23/19 od 31.10.2019. godine prihvatila navedenu informaciju i zadužila Ministarstvo finansija Kantona Sarajevo da krene u proceduru izmjena i dopuna Budžeta Kantona Sarajevo za 2019. godinu, po hitnom postupku, te je zadužila resorna ministarstva da predlože smanjenje budžetskih sredstava (izvor 10) u cilju uravnoteženja Budžeta 2019. godine kroz dostavljanje budžetskog zahtjeva (Zaključak u prilogu).

U skladu sa članom 37. Zakona o budžetima u Federaciji BiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16, 5/18 i 11/19), izmjenama i dopunama budžeta ponovo se uravnotežuju prihodi i primici, odnosno rashodi i izdaci budžeta.

Ministarstvo finansija Kantona Sarajevo dužno je postupati u skladu sa Zakonom o budžetima u FBiH i poštujući odredbe člana 43. navedenog zakona pribaviti mišljenje Federalnog ministarstva finansija prilikom planiranja prihoda budžeta.

* * *

U skladu sa članom 19. Zakona o budžetima u FBiH („Službene novine FBiH“, br: 102/13, 9/14, 13/14, 8/15, 91/15, 102/15, 104/16, 5/18 i 11/19), Instrukcije broj 2. sadrže:

1. Osnovne ekonomske pokazatelje

Osnovni ekonomski pokazatelji za 2019. godinu sadržani su u dokumentu „Smjernice ekonomske i fiskalne politike Kantona Sarajevo za period 2019 – 2021“ koje se nalaze na web stranici Ministarstva finansija Kantona Sarajevo.

2. Način izrade budžeta

Potrebno je da resorana ministarstva u skladu sa navedenim Zaključkom dostave zvaničan zahtjev za izmjene i dopune Budžeta Kantona Sarajevo za 2019. godinu **u kojima će predložiti smanjenje budžetskih sredstava (izvor 10) u cilju uravnoteženja Budžeta 2019. godine. Potrebno je da resorna ministarstva iskomuniciraju sa potrošačkim jedinicama, unutar svog razdjela, preraspodjele koje je potrebno provesti u izmjenama i dopunama Budžeta Kantona Sarajevo za 2019. godinu, bez dodatnog povećanja budžetskih sredstava (izvor 10) u rashodima.**

Ministarstvo finansija KS će u izmjene i dopune Budžeta Kantona Sarajevo za 2019. godinu uvrstiti sljedeće:

- a) razgraničena sredstva sa naznakom na kojoj poziciji su razgraničena i u kojem iznosu, što mora biti u skladu sa usvojenim Zaključkom o unosu razgraničenih sredstava (donacije, transferi, primici, namjenska sredstva i krediti),
- b) unose sopstvenih prihoda, donacija, transfera i namjenskih sredstava,
- c) sve provedene preraspodjele,

3. Rokovi za izradu budžeta (Izmjene i dopune Budžeta Kantona Sarajevo za 2019. godinu)

Ključni zadaci	Rezultati	Odgovorna ustanova	Ključni datumi
1. Pripreme Izmjena i dopuna Instrukcija broj 2. za budžetske korisnike	Pripremljene Izmjene i dopune Instrukcija broj 2.	Ministarstvo finansija	19.11.2019.
2. Kreiranje dokumentacije za budžetske korisnike u vezi izrade Izmjena i dopuna Budžeta Kantona Sarajevo za 2019. godinu	Slanje Izmjena i dopuna Instrukcija broj 2. za budžetske korisnike sa odgovarajućim tabelama	Ministarstvo finansija	21.11.2019.
3. Zahtjevi budžetskih korisnika za Izmjena i dopuna Budžeta KS za 2019. godinu	Budžetski zahtjevi finalizirani i dostavljeni Ministarstvu finansija	Budžetski korisnici	29.11.2019.

4. Usvajanje Prijedloga Izmjena i dopuna Budžeta Kantona Sarajevo za 2019. godinu od strane Vlade	a. Podnošenje Prijedloga Izmjena i dopuna Budžeta Kantona Sarajevo za 2019. g. Vladi	Ministarstvo finansija	06.12.2019.
	b. Usvajanje Prijedloga Izmjena i dopuna Budžeta KS za 2019. g. od strane Vlade	Vlada Kantona Sarajevo	12.12.2019.
5. Razmatranje i usvajanje Prijedloga Izmjena i dopuna Budžeta Kantona Sarajevo za 2019. godinu na Skupštini	a. Podnošenje Prijedloga Izmjena i dopuna budžeta KS za 2019. g. Skupštini KS	Vlada Kantona Sarajevo	13.12.2019.
	b. Skupština usvaja Prijedlog Izmjena i dopuna budžeta KS za 2019. godinu	Skupština Kantona Sarajevo	26.12.2019.

4. Gornja granica rashoda za Izmjene i dopune Budžeta Kantona Sarajevo za 2019. g.

Gornja granica rashoda za Izmjene i dopune Budžeta Kantona Sarajevo za 2019. godinu treba da predstavlja početni nivo rashoda koji je odobren Izmjenama i dopunama Budžeta Kantona Sarajevo za 2019. godinu kojeg je potrebno umanjiti zbog pomenutih razloga u uvodnom dijelu ovih Instrukcija.

* * *

Zahtjev za dodjelu sredstava iz izmijenjenog i dopunjenog Budžeta Kantona Sarajevo za 2019. godinu treba se dostaviti Ministarstvu finansija Kantona Sarajevo do 29.11.2019. godine u formi ovjerenog zahtjeva i elektronskoj formi, pridržavajući se naprijed navedenog Zaključka.

Broj: 08-01-14-21475-2/19
Sarajevo, 19.11.2019. godine

